

Kangiqhidjutikhat

Kumait

Hunauva Kumait ?

Kummangniq uviningmi pitjutivaktut kumanin. Kummaghimangniq tukihitjutiqaangittuq halumangittutit.

Hunauvat naunaitkutit ?

Kumait kummautivaktut iluanungaqpiaqpaktut uviningmun manningnik iliuraqhutik. Una kukungnaqtumik piqaqtuq mikiyunik, aupayaaqtunik manngiqtannuanik. Kukulluarnaqtuq unnukkaangat. Aupatjangniq tautungnalluaqtuq algani, akunnaani, itigani, algautini tuingniluunniit, kihimi takunnaqtaaqtuq quyaginnaq timimi.

Mirraani inirnighanilu, iluanungarniit takuyauttaqtut niaqurmi qunguhinirmilu, tautungnaqtaaqtuq kinipanirnik, kilaarnirnik puvinnirnikluunniit. Kukungniit kilaalaqitjutittaqtuq uvinikmi.

Qanuq hiamitpaqpa?

Kumait hiamitpaktut qanittukkut, akuni kahakhimaniq kinaup uvinianik. Kahakaffungniq, haluurnikkut alganik iqinnikkulluunniit, hiamitilluarutaangittuq kummangnirnik. Kumait uvinikmi uumavaktut pinghunun ublunun. Huraat hiamitingitait kumait. Kumait aannuraaniittut tuquvaktut uaraangapkit uunaqtumi imarmik panirhirhugillu uunaqtumi panirhiivikmi.

Qanuq ihuaqhivakpat?

- Kummailimaittuq havauhitjutaittumik.
- Kummakniq havauhitjutivaktuq urhuqtirutumun nanuunmunluunniit piyauvaktuq munarhitkunnin. Piyukhauniarunarhivutit malruuknik havauhiqtirnirnik, atauhirmi havainirmi qaangiqhimaliqqat.
- Kumiuqniaqtutit ikituni havainiqni.kihimi kumaqangitutit.
- Kumaktailiniq, kitkuliqaa iglumiutatit havauhiqtiqtauyukhat atautikkut Atilugit halumayunik aannuraanik qipikhaniklu havauhiqtauhiruvit.

Qanuq hiamitailiniq kumait piniaqat?

- Hivayaqlugit munaqhitkut ihumaguvin ilvit nutaqatitluuniin kumaktut.
- Uaqlugit qipkit qaat, alagutit, aanugaatlu uunaqtumik imaqmik paniqhiqlugit paniqhiivikmi uunaqnianik.
- Milukaunmun iglut milukaqlugu hiamitnaitumik.
- Tutquqlugit tamayat ualaitut palaastikmun angmalaitumik atauhiqmi havainiqmi tuqtangini kumait.
- Nutarat utiqtaaqtuq nutaqqiqivikmun iliharvikmunluunniit atuqtipkarhimagunni hivulliqpaaq havauhitjut.